

0.0.1 suriyūpamasuttam

1. suriyassa¹ bhikkhave, udayato etaṃ pubbaṅgamaṃ etaṃ pubbanimittam yadidaṃ aruṇaggaṃ. evameva kho bhikkhave, bhikkhuno catunnaṃ ariyasaccānaṃ yathābhūtaṃ abhisamayāya etaṃ pubbaṅgamaṃ etaṃ pubbanimittam yadidaṃ sammādiṭṭhi. sammādiṭṭhi-kassetam bhikkhave, bhikkhuno pāṭikaṅkham "idaṃ dukkhanti yathābhūtaṃ pajānissati ayaṃ dukkhasa-mudayoti yathābhūtaṃ pajānissati ayaṃ dukkhaniro-dhoti yathābhūtaṃ pajānissati ayaṃ dukkhanirodha-gāminī paṭipadāti yathābhūtaṃ pajānissati".

2. tasmātiha bhikkhave, "idaṃ dukkha"nti yogo kara-ṇīyo, "ayaṃ dukkhasamudayo"ti yogo karaṇīyo, "ayaṃ dukkhanirodho"ti yogo karaṇīyo, "ayaṃ dukkhaniro-dhagāminī paṭipadā"ti yogo karaṇīyoti.

¹sūrayassa-machasaṃ.